

觀熟視同草芥彌費汗血力數窮終至壞何如真箇人誦一言
一話朝夕飲瓊露默默得神解飄飄出六塵捷徑超三界亘初
明月珠肯向人間賣我來畧住院不責寬與隘但覓雲霞友似
欠多生債安心處嘈雜名利非腎室天賦性寒凜坐致俗睡眊
趨趨良獨難傲睨吁可怪患此重玄病膏肓爭得差未肯自束
縛何能呈狡獪祥風吹神襟杖履輕且快南北與東西飄飄學
行邁

幽居

幽居愜野情生事未管理交朋幾離合童穉相汝爾連牆如有
敵經歲不相齒世態冷於冰人情淡如水鶉衣密補稅藿食忘
道藏輯要

雲山集

捌

鼎集六
三十一

甘旨疎散百無縈自得而已矣

形幻

有身致大患忘我復何憂形骸最親切畢竟成土邱况茲身外
物無物非何樓大塊勞以生冗冗不自由萬事素已定誰能分
外求疑團自粉碎休休復休休莫爲空幻具還作真箇囚廓然
自心安宜與化同遊於生無一爲姑置不復留穎脫出塵空表
裏絕綢繆亘古性月在輝輝天霽秋

世僞

閉戶懶出門眾議失和暢策杖走街衢冷眼憎流蕩合境責紕
繆絕交嗔矯誑緬想作人難動止皆招謗自究心未灰莠然真

作妄灰心復忘形誰驚魔與障紛紛人世間非是無定相各自
立偏見同己聲相向大地盡紅塵從交翻白浪重玄得品味頓
悟通真况自性孤月圓襟懷天一樣跳出死生關透入光明藏

出觀

我初學守愚渾淪無學罅久靜復思動多口相誇詫臭肉候來
蠅行貨非待價數數致窮屈鼓舞不得暇未能無汝保相孰莫
非詐幽鳥仰投籠白駒驅就駕禹步及雲集俱爲化所化世俗
喜驚駭閭閻聽誑諄清淨輔真實豈願人咨訝博空鷓雛飛甯
知老鴟嚇萬塵付一笑取次得休假明明向上事彼各不相藉
逕入無何有受用如倒蔗末後竟何如天下藏天下

道藏輯要

雲山集

玖

易集六
X18

法身

重玄妙法身物我皆具備微塵折世界大量包天地巨細億萬
殊根源同一致譬如溟渤中鱗甲同沾利悲哉墮有情復爲形
所累淹沈生死窟輪轉皮毛類降本迷浩劫苦楚如倒置賢聖
垂方便救援無遺棄奈何聽不明相對如夢寐

壺天

壺天接人境絕點純清涼殿閣倚空碧氣象連山蒼薰風自南
來頓遣祝融藏蒙莊及辨惠揮塵談冰霜更上臨漪樓俯瞰溪
流長野鶴各自適高柳搖晴光主人有好懷不酌鵝兒黃特製
勝玉屑爲我搜枯腸緣慮破織悉逕及無何鄉至樂美四弁受